

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

4. Leo Herculeus Symbolum Heroum. Temerarius congressus.

[urn:nbn:de:hbz:466:1-68709](#)

Demosthenes Sapientis esse dicebat, nunquam animo connivere, neque affectibus licentius indulgere, ne effrenati rationis imperium deserant. Et Cicero in Offic. Appetitus omnes contrahendi, sedandique sunt, excitandaque est animadversio, & diligentia, ut nequid temere ac fortuitò, inconsideratè, negligentè agamus. Et ad Quint. Fr. Epist. I. Este abstinentem, continere omnes cupiditates præclarum magis est, quam difficile.

IV. (g) Leo ab Hercule occisus (quemadmodum à Samsonem quoque factum) & detracta pellis, virtutis est spolium, ac hieroglyphicum. Ideoque Diogenes conspicatus quendam, eo ornatu sibi gloriose placentem, exclamavit: Ecquid virtutis indumentum vituperas? Laert. in Diog. Hinc proverbium, *asinus in pelle Leonis*, in eos dicitur, qui se magnificenter ostentant, quam pro suā conditione; ut asinus ille Cumanus, qui Leonis sibi exuvias applicans, terrorem multis incutiebat: sed postea ex ruditu & auriculis agnitus, personatus leo probè fustigatus est. Herculis æmuli fuere Agamemnon, Æneas, aliquique heroes, fortitudinis Symbolum amictu leonino, præferentes. Herculem se Albertus V. Dux Bavariae cognomento *magnanimus* ostendit, qui leonem pro assecla cane, & pro scabello, pedibus substratum habuit. Cujus vultum etiam pictum Cerberus Turcicus extimuit; cuius manum romphæa, tanquam clavæ, armatam, *Hæsis*, Hydra feralis, contremuit. Præterea Herculem leonis indutum pelle, clavam manu ferre, cætera nudum, significat illum fortitudine sua defensum, adjectiis armis non indiguisse. Quò etiam facit, quod ejus *Clava* fuerit ex robore, seu ligno quercino confecta, ad ostendendum solidæ virtutis simulacrum: querens enim firmissima adversus ventos, nil nisi folia amittit. Pier. lib. 51. Unde in nummis Nervæ Traiani Imp. ex S. C. leonis caput, cum clava supererecta, impressum est: inscriptio: *Optimo Principi*, cuius idea fuit Hercules. Alii scribunt, Clavam ex oleastro fuisse, quam post viatoriam de gigantibus cœlum oppugnantibus, relatam, Hercules Mercurio consecrari, quæ repullularit, actisque radicibus in insignem arborem excreverit: quod innuitur virtutem & tamam non inarescere, non aboleri vetustate temporis, sed semper vigere & virere sicut oleaster.

(h) Herculis dormientis pollicem pygmæi, cubitales masculi dimetri ausi, ex unico digito mirati sunt molem manus; quia tamen sopitum deprehenderant, aggressi sunt armis impetere: sed is subito expperctus, veluti pulices partim contrivit, partim leonina pelle, quam

(g) *Leo Herculeus herorum Symbolum.* (h) *Temerarius congressus.*

gestare

gestare solitus, involutos asportavit. Ex Philostrato. Nota, quām temerarium sit eos insectari, qui viribus aut sapientia præalent; pygmæi in uno pollice metiendo laborabant, & totum tamen Herculem invadebant. Adde lemma: *volunt non valent.*

V. (i) Quia verò supervacaneum sit, singulis Alcidis gestis pressius inhærere, perstringemus pleraque. Rapaces stymphalidis lacūs aves superatae, docent avaritiam vincendam viro forti & sapienti. *Amazonum* reginæ ablatus baltheus, indicat, femineos astus, illecebrásque subigendas. *Taurus Cretæ domitus*, denotat iracundiæ impetum frangendum. *Centauri debellati*, vinositatem fugiendam: *Cacus flammivomus*, fraudulentam malitiam esse cavendam. *Augia stabulum* perpurgatum, urbem aut provinciam sceleratis hominibus liberatam: aut animum à flagitiis mundatum. *Dracone superato*, poma aurea ex Hesperidum hortis sublata, prœmia virtutum, oppressis vitiis. *Cerberus triceps*, tria inprimitis vitia designat, *superbia*, *avaritia*, *libidinis*, per quæ homines ad inferos devolvuntur. Hæc, Cerberō eductō ab Hercule, aut, ut à forti proboque viro devicta, aut, ut à sapiente hominibus manifestata, indicantur. Hercules *cælum* humeris sustentans significat virum, pro virtute, religione, salute communi ardua quæque in se suscipientem. *Columnæ* in mari Gaditano, tanquam in expeditionum Herculearum termino ex aere exstructæ & erectæ, cum inscriptione: *Non plus ultra*, ostendunt, metam laborum & laudum Herculis, à nullo alio attingi posse: attigit, & superavit Carolus V. gloriissimæ memoriæ Imp. qui imperium suum per ingentia terrarum, maritimque spatia usque in Indian Orientalem & Occidentalem extendit, unde illius verba: *Plus ultra*. Cæterum per columnas constantia & fortitudo denotatur, quæ necessaria est ad virtutem & laudem comparandam; quæque durat & persistit inter assilentes fluctus; *quam stantem injurioso pede non proruat Fortuna*. Horat. Od. 35. lib. 1. Quod verò Hercules, *Omphales* amore dementatus pensum inter feminas traxerit, significat viros etiam fortissimos & sapientissimos per mulieres emolliri & emasculari.

VI. (k) Hic idem Hercules (exclamat Mythologus) post tot superata pericula, post tot latrones de medio sublatos, post purgatum horrendis monstribus orbem terrarum, *Omphale* captus amore, multa turpia, & primis rebus gestis indigna commisit. Cur hæc litterarum monumentis tradita sunt? aut cur ad posteros transmissa? ut nos commonefacerent antiqui sapientes, viro bono semper esse vigilandum: quia si parumper oculos à virtute deflexerit atque conniveat, ab appetia tanquam à rapidissimo

(i) *Laborum Herculis explicatio brevis.* (k) *Libidinis servitus.*